



QEQQATA KOMMUNIA

Teknikkeqarmermut Avatangiisinullu immikkoortortaqarfik

Qeqqata Kommuniani angallatinik inissiinermi Malittarisassatut

Malittarisassaq una kommunip pilersaarusiorneqarnerata ilaanut ilaatinneqarpoq aammalu Qeqqata Kommuniani inuit ataasiakkaat inuussutissarsiuteqartullu angallatinik qaqitsisarnerannut najoqqutassanik aalajangersaasuulluni.

Atuuffeqarfia

§ 1. Malittarisassaq una Qeqqata Kommunianut pilersaarutip atuuttup ilagivaa.

§ 2. Malittarisassaq kommunip umiatsianut qaqitsiviutaata avataani inissinneqartuusunut inuit ataasiakkaat inuussutissarsiuteqartullu angallatinik qatitsinerannut taamaallaat atuuffeqarpoq. Kommunip angallatinut qaqitsiviutaanut kommunip angallatinut qaqitsivissanut Qeqqata Kommuniata immikkut Malittarisassai atuupput.

Imm. 2. Malittarisassami gummibådet minnerit 10 fod-it ataallugit takissusillit angallatillu 40 fodimik takinerusut ilaatinneqanngillat.

Imm. 3. Malittarisassaq gummibådenut immikkut ittunik manngersunik natilinnut, RIB bådénik taaneqartartunut aammattaaq atuuppoq.

Siunertaq

§ 3. Malittarisassap siunertarisaa tassaavoq, kommunimi angallatinik qaqitanik killiliinerit naammaginartumillu takuneqarsinnaasut annertussusaatigut nunamik, illoqarfimmik nunaqarfinnillu kusanartuutitsinerup paariinnarneqarnissaa.

Nalinginnaasunik akuersissutit

§ 4. Angallatinut il.il. atortunut illunullu qajannaartukkanutinnaq tunniunneqartartuusumut nunaminertamik atugassiinermut illuatungiusutut pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersumi kingusinnerusukkut allannguutilimmi § 36 imm. 2-mi naapertorlugu nunaminertanik atugassiarneq nassuiarneqarpoq.

§ 5. Malittarisassaq qaammat ataaseq sinnerlugu angallatsinut nunami qaqeqqatinneqartunut atuuppoq.

§ 6. Kommunip ingerlatsivianiit inissiinissamut innersuusseqqissaartumik nunaminertamik atugassiinertaqanngitsumik angallatinik qaqitsisoqaqqusaanngilaq.

Imm. 2. Peqatigiiffiit, paaqqinnittarfiit, suliffeqarfiit assigisaallu kommunip pilersaarusiiorfigineqarneranut sumiiffinnilu pilersaarutitik matumunnga pissarsiarinnikkut ilaasortaminnut, sulisuminnut il.il. nunaminertamik ataatsimoorussamik killilikkamik tunineqarsinnaapput. Taamatut pisuni angallataatilinnut ataasiakkaanut immikkut nunaminertamik atugassinneqarnissaq piumasaqaataanngilaq.

Imm. 3. Angallatinik qaqitsisarneq aammattaaq kommunimut sumiiffinnullu pilersaarusiørnermit nalimmasarneqarpoq, killilersuinerusunik aalajangersakkanik malitassanik peqarnerusinnaasunik.

Imm. 4. Angallatinik qaqitsinernut nunaminertamik atugassiissutaagallartutut inissitaanerata ilagivaa, nunaminertap siunertanut allanut atornissaa kommunip kissaatigippagu imaluunniit angallat nunami, illoqarfimmi nunaqarfimmiluunniit avatangiisinut akornutaassasoq kusanaallisaataassasorluunniit ingerlatsivimmit nalilerneqarpat nunaminertamik atugassiissut kommunimut aningaasartuutaanngitsumik utertinneqarsinnaanera.

Imm. 5. Nunaminertamik atugassinneqarsimanermit allagartaliussatut ilanngunneqarsimasoq umiatsiami imaluunniit umiatsiamut inissiivimmut ersarissumik inissinneqassaaq.

Inissiineq ungasissusissarlu

§ 7. Angallatinik qaqitsinerit nunaminertamik atugassiissut naapertorlugu tulluurtumik kusanartumillu inissinneqassapput aammalu avatangiisinut akornutaanatik ulorianartorsiørtitsinatilluunniit kiisalu silami pissutsinut aalajaatsunngorlugillu illersorsinaasumik qajannaarneqarsimassapput.

Imm. 2. Angallatinik qaqitsinerit sapinngisamik piginnittup illuanut, qanittumik taamaattorli minnerpaamik 2,5 meterimik ungasissulerlugit inissinneqassapput, angallammik piginnittoq aammattaaq illumik piginnittuuppat.

Imm. 3. Angallatinik qaqitsinerit eqqaamiuni illunik allanit pigineqartunit minnerpaamik 10 meter ungasissulerneqassapput.

Imm. 4. Eqqaamiorisamit akuersissuteqartoqartillugu illup eqqaamiorisap allamik piginnittulimmut minnerpaamik 5 meter ungasissusiliisinnaaneq akuersaarneqarsinnaavoq.

Imm. 5. Angallatinik qaqitsinerit aqquserngup qeqqanit uuttorlugu minnerpaamik 10 meter ungasissusilerneqassapput.

Imm. 6. Aqqusineeqqani aammalu aqqusinerni inuinnarnit pigineqartutut isigineqartuni aqquserngup qeqqanit minnerpaamik 6 meter ungasissusiliisoqarsinnaavoq, pissutsit ingerlatsivimmit tulluurtuusutut nalilerneqarpata.

Imm. 7. Angallatinik qaqitsinerit aputinik katersuivinni, biilnut inissiisarfinni, pisuinnaat aqquataanni, nunaminertani sukisaarsaaffissaqqissuni assigisaannilu nalinginnaasumik atorneqartuni ingerlanneqassanngillat.

§ 8. Angallatinut qaqitsiviup eqqaa tamatigut avatangiisinut akornusersuutaanngitsummik eqqiluutsuutinnissaanut, kusanartuutinnissaanut torersuutinnissaanullu angallammik piginnittup qulakkeernissaanut pisussaaffeqarpoq.

§ 9. Akuutissanik ikualajasunik, sakkunik, qaartiterutissanik pujaasanilluunniit qaartoorsinnaasunik uninngasuuteqartoqaqqusaanngilaq.

Inissiaqarfiit qiterisaqarfiillu

§ 10. Angallat ilaqutariinnut illumut/illumut qanittumut attuumassuteqarpat qanillunilu amerlanerpaamik angallatit marluk inissiaqarfimmi (atuisinnaanermut suussuseq A) aamma qiterisaqarfimmi (atuisinnaanermut suussuseq C) inissinneqarsinnaanerat akuerineqarsinnaavoq.

§ 11. Pissutsit ingerlatsivimmit tulluurtutut nalilerneqarpata, illunut uiguleriiaanut, eqimattanut ataqtigiiannullu attuumassutilimmi najugaqarfik ataasiugaangat angallamik ataatsimik inissiineq akuerineqarsinnaavoq.

§ 12. Sanaartukkanut quleriiaanut attuumassutilimmi angallatinik inissiineq akuerineqarneq ajorpoq.

Inuussutissarsiuteqarfiit umiarsualiveqarfiillu.

§ 13. Teknikkeqarfinni, inuussutissarsiuteqarfinni umiarsualiveqarfinnilu (atuisinnaanermut suussuseq B aamma E) angallatinik qaqitsinerit akuerineqarsinnaapput, tamatumani kommunip ingerlatsivianit akuersissuteqarnerup kingorna suliffeqarfik namminerisamik nunaminertani inissiisarfimmini angallatinik inissiisinnaalluni.

Illoqarfimmi immikkoortut qaqitsivigeqqusaanngitsut

§ 14. Immikkoortuni qaqitsivigeqqusaanngitsuni (atuinermut suussuseq D) aqqusinermut appakaaffissaqartuni kommunip ingerlatsivianit akuersissuteqartoqarnerata kingorna angallatinik qaqitsinerit taamaallaat killilerujussuarmik akuerineqartarput.

Nunap timaa

§ 15. Nunap timaani angallatinik qaqitsisoqaqusaanngilaq.

Sivisussusaa

§ 16. Angallatinik qaqitsinernut taamaallaat nunaminertanik akuersissuteqartoqartarpoq. Angallatinut nunaminertanik atugassiissutit taakku ukiut pingasut tikillugit piffissatut killiligaapput aammalu ukiut pingasukkaartumik sivitsuiffigineqarsinnaallutik.

Imm. 2. Sivitsuinissaq pillugu piumasaqaat nunaminertami inuussutissarsiorfiusumut attuumassutilimmik nunaminertamik atuinissamut akuerisaasumut atorineqarsinnaanngilaq.

Kinguneqartitsinerit

§ 17. Angallammik piginnittumut akiligassanngorlugu kommunillu naliliinerata kingorna pisarialimmik kommuni torersaatitsisnaavoq nunaminertarlunniit ilusaanut uterteqqissinnaavaa.

§ 18. Nunaminertamik atugassiissummik atuisuusoq Pilersaarusionerq aamma nunaminertat atorineqartarnerat pillugit Inatsisartut inatsisissaanni nr. 17, 17. november 2010-meersoq kingusinnerusukkut allannguutitalik § 62 imm. 1 aamma 2 naapertorlugit pissutsinik unioqqutitsisunik iluarsiinissaminut pisussaaffeqarpoq. Pisumik unioqqutitsisumik ingerlaavartumik akiliisitaarnikkut, politinut nalunaarutiginninnikkut atuisussaaitaanermilluunniit atorunnaarsitsinikkut iluarsissuteqarnissaanik piginnittuusoq atuisorluunniit kommunip ingerlatsiviata peqqussavaa.

§ 19. Pilersaarusionerq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersumi § 63 imm. 3 naapertorlugu angallatit qaqitat pisullu allat malittarisassamik uannga malitsitsinngitsut, eqqartuussivikkut peqqusinermik nalunaarummik pinngitsaaliillunilu akiliisitsinissat malitsinneqarsimanngippata, kommunip ingerlatsivianit peerneqassapput piginnittumulluunniit akiligassanngorlugit pisarialimmik iluarsitillugit.

Kommunalbestyrelse ulloq 28. apri 2025



Malik Berthelsen

Borgmesteri / Borgmester



Hans Christian Sværd

Kommunimi pisortaaneq / Kommunaldirektør